



KEMENTERIAN PENGANGKUTAN  
MALAYSIA

## SIARAN MEDIA KEMENTERIAN PENGANGKUTAN MALAYSIA

### **PENGECUALIAN MEMPERBAHARUI LESEN KENDERAAN MOTOR DAN LESEN MEMANDU MALAYSIA DILANJUTKAN SEHINGGA 31 DISEMBER 2021**

Kementerian Pengangkutan Malaysia (MOT) amat peka dengan maklum balas dan kesukaran orang ramai baru-baru ini dalam menggunakan perkhidmatan agensi-agensi di bawahnya seperti Jabatan Pengangkutan Jalan (JPJ) ketika negara dilanda pandemik COVID-19.

Sehubungan itu, MOT telah memutuskan untuk memberi pelanjutan terhadap tempoh pembaharuan Lesen Kenderaan Motor (LKM) dan Lesen Memandu Malaysia (LMM) sehingga 31 Disember 2021. Selaras dengan keputusan ini, mana-mana pemilik LKM dan LMM yang telah tamat tempoh sah tidak akan dikenakan tindakan penguatkuasaan dan pematuhan oleh pihak JPJ serta Polis Diraja Malaysia (PDRM) sehingga 31 Disember 2021.

Pemilik LKM yang telah tamat tempoh sah perlu memastikan kenderaan masing-masing dilindungi insurans yang sah. Sijil Perlindungan Insurans (e-cover note) yang sah perlu dipaparkan dan ditunjukkan bagi tujuan pemeriksaan.

Selain daripada itu, MOT mengambil inisiatif terhadap keperluan orang ramai menerusi pengoperasian semua kaunter JPJ di seluruh negara dan juga kaunter rakan strategik JPJ (Puspakom) dengan kapasiti 100% secara walk-in mulai 6 September 2021. Antara lain ia bertujuan memastikan orang ramai dapat melaksanakan urusan pembaharuan LKM dan LMM dengan lancar dalam tempoh pelanjutan yang dibenarkan.

Pelanggan yang ingin berurusan di kaunter JPJ mestilah mendapat vaksinasi lengkap sebagai langkah berjaga-jaga yang diperlukan bagi menjaga kesihatan dan keselamatan orang ramai termasuk kakitangan yang bertugas. Pada masa yang sama, pelawat juga perlu menunjukkan status Risiko Rendah COVID-19 menerusi aplikasi MySejahtera.

Mulai 6 September 2021 juga, JPJ akan menghentikan sistem janji temu dalam talian untuk memberi sokongan kepada pelanggan yang menerima vaksinasi lengkap untuk berurusan di kaunter JPJ.





KEMENTERIAN PENGANGKUTAN  
MALAYSIA

Dalam masa sama, orang ramai digalakkan menggunakan perkhidmatan dalam talian menerusi portal mySIKAP JPJ (<https://public.jpj.gov.my>), atau melalui portal dalam talian rakan-rakan strategik JPJ yang lain seperti Pos Malaysia Berhad, MyEG dan PUSPAKOM, untuk membuat apa-apa transaksi JPJ yang berkaitan. Ini bertujuan mengelakkan kesesakan di kaunter JPJ serta memberi kemudahan dan kesenangan kepada orang ramai dalam membuat transaksi pembaharuan LKM dan LMM.

MOT ingin mengingatkan orang ramai supaya sentiasa mematuhi prosedur operasi standard (SOP) yang ditetapkan ketika berurusan di mana-mana kaunter JPJ termasuk memakai pelitup separuh muka, menggunakan cecair pembasmi kuman atau 'hand sanitizer', mengamalkan penjarakan fizikal dan mendaftar masuk atau 'check-in' menggunakan aplikasi MySejahtera.

---

### **EXTENSION OF MORATORIUM FROM RENEWING MOTOR VEHICLE LICENSE AND MALAYSIAN DRIVING LICENSE UNTIL 31 DECEMBER 2021**

The Ministry of Transport acknowledges the feedback and difficulties faced by many recently when attempting to use public services such as those under the Road Transport Department (JPJ) and other agencies during the current COVID-19 pandemic.

In this regard, the Ministry has decided to extend the moratorium to renew Motor Vehicle Licences (LKM) and Malaysian Driving Licenses (LMM) until 31st December 2021. In line with this decision, expired LKM and LMM will not be subject to enforcement and compliance activities by JPJ and Royal Malaysian Police (PDRM) until 31 December 2021.

However, holders of LKM expiring within the stipulated period need to ensure that their vehicles have valid insurance. The insurance e-cover note should be displayed as needed including for inspection purposes.

Additionally, the Ministry has taken the initiative to alleviate the rakyat's concerns in completing their transactions by making the decision to operate all service counters at 100% capacity in JPJ and its strategic partners such as PUSPAKOM and allowing walk-in clients from 6 September 2021. This is aimed at ensuring that more people would be able to renew their LKM and LMM during the given period.





KEMENTERIAN PENGANGKUTAN  
MALAYSIA

Customers who wish to transact at JPJ counters must have received full vaccination as a necessary precaution to safeguarding the public's health and safety during this unprecedented period, including staff on duty. At the same time, visitors' MySejahtera apps must also show Low-Risk status.

From 6 September 2021, JPJ will cease the online appointment system in favour of walk-ins for fully vaccinated clients at JPJ counters during this time.

The public is also encouraged to use existing online services available on JPJ's mySIKAP (<https://public.jpj.gov.my>), or their other strategic partners such as PosMalaysia Berhad, MyEG and PUSPAKOM for related transactions. This is to reduce crowds at JPJ branches and ensure a more positive experience for the public when renewing their LKM and LMM.

The Ministry wishes to remind the public to strictly comply with the stipulated COVID-19 prevention standard operating procedures (SOP) when visiting any JPJ outlet including wearing face masks, using hand sanitiser, maintaining the appropriate physical distance from others, and checking on the MySejahtera smartphone app.

**KEMENTERIAN PENGANGKUTAN MALAYSIA**  
**3 SEPTEMBER 2021**

**-TAMAT-**

---

**Tentang MOT:**

Kementerian Pengangkutan Malaysia bertekad untuk menjadi peneraju transformasi sistem pengangkutan yang bersepadu, efisien dan selamat dengan memperkasakan sistem pengangkutan berteraskan teknologi sebagai pemangkin pembangunan negara.

**Pertanyaan Media:**

**Kementerian Pengangkutan Malaysia**

Tel 1800-88-7723  
Fax +603 8892 0208  
E-mail [aduan@mot.gov.my](mailto:aduan@mot.gov.my)

